

■ GLOSSA

«Peer da giaischlas»

DA SILVIO CAMENISCH

So, ma tirass jau en Schaud, fiss jau vus Svizzers! La SPD ha decidi mo per mai ch'il «Peer da giaischlas», «Peitschen-Peer», sun jau, duaja smanatschar vinavant cun la chavallaria cunter la cunvegna da taglia, bel cumpromiss, ma faussa! Fatsch jau gugent per mes amis svizzers en mia rolla purtanta d'in chancelier in spe. Essas Vus schon stads u stadas ina giada, in spe, plain speranza dad esser insatgi insatge? Mai sa laschè provocar cun ina tematica, duas tematicas, trais tematicas uschia? Faschess jau en tutta cas, fiss jau Vus. Auters fan er. Sara machts.

Mia ferma retorica d'in Peer da giaischlas, per quella sun jau conuschent, quella i ha en sai! Die hats in sich. Betg mintgina i ha senz'auter, en sai, gnanc cun la giaischla. Mia ferma retorica, quella i ha en sai. (Jau starmentà scrivaglossas cun mia vuschetta schon da falset, da maset, n'hai betg ina giaischla uschia en mai. In um ed ina dunna al simpatic tavulin (litt.) han omadus ina giaischla categorica uschia en sai; er schon duvrà ella, meritadamain, cunter mai, mai. Grazia. Ina ferma retorica categorica, d'in Peer da giaischlas,



Peitschen-Peer, fa oho impressiun e starmenta er il public en sala.)

Duess jau mussar ina giada mia giaischla a nus umens svizzers e dunnas, «manna und frau»? Mia chavallaria, lasch jau liber ella ina giada e quai fatsch jau cunter banchers ed omittents da fiscus, conuschent mai, il Peer da giaischlas, san las quantas ch'igl ha dà. Jau chatsch mia ferma chavallaria cun schlops da giaischlas dretg e sanester, la SPD ha decidi, hai jau er vuli. Ins na vul betg dir na, èn ins andetgamain en sella da chatschar la veglia Merkel (vegl chancelier Kohl en giuvs onns: «mein Mädchen») cun la giaischla, e quella i ha en sai! ord il Bundestag.

Tge retorica, tge eroica Ten quella giaischla da Peer, che chastia nus dun-

nas en general, retormantschas d'idioms en particular, quella i ha in sai, jau less er ina uschia en mai. Nua poss jau empristar per temp, tut lasuenter cumprar per posseder stabel ina uschia? Gist la vusch excepziunala, vul ella esser retorica, vul ella esser eroica, vul ella, sto ella avair en sai la giaischla, stringentamain! Nus dad rtr tschertgain la pli ferma vusch ch'i ha in sai, die es in sich hat! tar nossa glied. Bels premis. Giaischlas.

Quella dal nov guvernatur da la vischnanca gigantesca Lumnezia i ha in sai. Quella dal missiunari da gieus olimpics modests i ha er in sai. Quella dal maestro (di dunna Oana sezza, ella i sto savair, nus i na stuain betg savair) i ha er in sai. E quella dal younstar autur da cult («Ustrinkata») i ha in sai. Die hat es in sich. Qua vegnin gist nus dunnas studegiadas er chaudas. E quella da nus dunnas-moderaturas plaunas en «Baterlada» i han en sai.

Grazia al «Peer da giaischlas», «Peitschen-Peer» festivescha la giaischla, la temida, in comeback. Tutga en mintga sella, cur che jau betg mo di, chatsch er ora la chavallaria.